

# نبضات ١

بوحى لك كله حنين وهيام  
والحزن أبعدك عنه وقلوبنا متوالفه

ولا أرضى لوليفي ظلم وخصام  
وأزيد مكيال الوفا والحب لوفيه مخالفه

\*\*\*

إن أتعبك الخفوق كيف تجابه  
ولا شافه وتسارعت الخفقات

قربه ووصله يخفف عذابه  
تصارحه يمكن تضبط النبضات

\*\*\*

أدي في الهوى تراني غشيم  
واتلعثم بالحكي ولا أعرف غزل

ولا لاح زوله أصير سقيم  
ولا قرب ملي ارتبك من الخجل

أريد أبوح يا صاحبي النديم  
ويش به خفوقي ويش حصل

ماعاد أعرف ويش هوسليم  
ولا أميز بين الفرح والزعل

\*\*\*